

CLARISSIMO, SPECTATISSIMO, 65.
LITTERATISSIMOQUE VIRO
D. D. JOANNI-BAPTISTÆ-LUDOVICO
C H O M E L,
CONSILIARIO, MEDICO REGIS ORDINARIO VETERANO,
SALUBERRIMÆ FACULTATIS PARISIENSIS
DOCTORI-REGENTI ET ANTIQUO DECANO,
REGII MEDICORUM NANCEIANORUM COLLEGII
SOCIO HONORARIO,
CLINICO FELICISSIMO,
PLURIMÙM COLENDISSIMO SIBI AMICO,

*Ad summos Regentiæ honores accedens, in publicum amoris pignus & grati
animi monumentum, hoc suum qualecumque Opusculum*

DICAT, VOVET, CONSECRAT;

Benè memor Collega recens,

JOSEPHUS PHILIP, Doctor Medicus,
Parisiensis, Aëtus Præses,

THE UNIVERSITY OF CHICAGO

IN THE DEPARTMENT OF THE HISTORY OF ARTS
AND LITERATURE

OF THE UNIVERSITY OF CHICAGO
THE UNIVERSITY OF CHICAGO
THE UNIVERSITY OF CHICAGO

THE UNIVERSITY OF CHICAGO
THE UNIVERSITY OF CHICAGO

THE UNIVERSITY OF CHICAGO
THE UNIVERSITY OF CHICAGO

THE UNIVERSITY OF CHICAGO
THE UNIVERSITY OF CHICAGO

THE UNIVERSITY OF CHICAGO
THE UNIVERSITY OF CHICAGO



QUÆSTIO MEDICA,
QUOD LIBETARIIS DISPUTATIONIBUS,
manè discutienda, in Scholis Medicorum, die Jovis vigesima-nonâ
mensis Novembris, anno Domini M. DCC. LXIV.

M. JOSEPHO PHILIP,
 Doctore Medico, Præside.

An corporis balsamum, Bilis?

I.



X variis, multiplicibusque humanum corpus alluentibus fluidis, nullum, bile magis, physicorum exercuit ingenia. Ab antiquis plurimis, notæ licet non infimioris, ad secundæ coctionis quisquillas demissa bilis, statim à suo in intestinalem fistulam effluvio per alvum à corpore turpis exulabat. Sic naturalis instar clysteris propriâ acrimoniâ & mordacitate, ad fecalium interfluentium substantiarum expulsionem, intestina irritandi facultatem vix retinens, omni usu, præter desidendi proritationem, exaucto-rata diù viluit. Hanc à dedecoris notâ, inhonestâque conditione vindic-

4

antes quidam recentiores, quorum antesignanus HELMONTIUS; bilem non simplex excrementum, sed utilissimum recrementum esse probaverunt; supremisque laudibus bilem prædicarunt corporis balsamum, sanguinis condimentum, incendii vitalis escam, spirituum materiem, florem sanguinis, balsamum sine quo corpus saluum esse non possit. Chylosecos negotio dein addicta bilis, attenuare, resolvere, abstergere, fibras motrices stimulare, diversissima quæque permiscere, acria salina obtundere, coagulata dividere, vias expedire chylo, appetitum excitare, fermenti vicem gerere, cruda coctis assimilare valuit, tantis hæcenus quidem non impar muniis. At procelloso mari quasi commissa novos adhuc vehementioresque patitur fluctuum insultus. Quæ suo apud veteres defraudata jure, ignota saltem languebat, nostris è contra temporibus deblaterantium contumeliis criminationibusque lacerata, fortunam sortita est adeò pejorem ut pristinam doleat obscuritatem. Cujuscumque ingruentis mali fons & origo, vel conscia concomitansque causa protinus arguitur bilis. Hinc adustam, acriorem, porraceam, æruginosam, exasperatam bilem undique clamitant, quam uberrimo rivo citò citiùs eliminandam impatientèr judicant & prosequuntur. Ab istorum opinione prorsus devii in Helmontianam propendentes, bilisque patrocinium suscipere non dubitantes, illud dicimus corporis balsamum quod non solùm à putredine corpus vindicat, sed etiam optimæ conducit valetudini, corporique robur potissimum imperitur.

I I.

PRETIOSO cujusdam arboris succo, condiendis olim cadaveribus utilissimo, *Balsami* nomen primò inditum esse neminem fugit. Liquores (nativi vel arte confecti) magno pretio, multiplici virtute, mirandâ effectuum præstantiâ & celebritate aliis supereminentes, metaphoricâ & extensiori significatione, cum substantiâ à putredine ipsamet vindicante cadavera, commune deinceps acceperunt nomen. Hæc exinde vox *balsamum*, cujus propriam & veram frustra quævivimus etymologiam, nostris idem sonat auribus ac *Liquor per excellentiam*, cui scilicet feracissimum auxilii promptuarium, præsentissimum salutis & vitæ præsidium essentialitèr inhæret. Nonne igitur eodem nomine salutandum erit illud tutelæ genus à benè providâ naturâ humano corpori peculiaritèr concessum, proximis illius ruinam minitantibus causis, edomandis assiduò prospiciens, & sine quo nec sanitas, nec vita datur? Et verum reciproca fluidorum & solidorum actio quæ *causa vitæ* celebratur, *causam mortis* non minùs invo-

cat. Subtilior insuper infensiorque later anguis, illud nempe putredinis seminarium quò solida jugiter collisa, fadataque fluidorum moles, promiscuè dissoluta brevi corruerent, nisi præstò indefinenter esset corruptelæ vindex & *δριδω*: adeò ut nusquam veriùs quàm de *μυροσμοῦ* dici potuerit duo supponi principia, malum scilicet & bonum, quibus concurrentibus cuncta vicissim reguntur & gubernantur. Nec malum illud principium quod putredini præesse indicamus, ens rationis, merumque habeatur imaginationis ludibrium, quippe quod, humidâ & calidâ aëris temperie, austrino persante vento, epidemiâ grassante, vel levissimâ humorum stagnatione, summa istorum ad putredinem insita proclivitas, sui juris facta, satis superque demonstretur. Bonum autem principium putredini semper adversans illud est quod *corporis balsamum* nominamus; cum virtutum multiplicitate, functionumque præstantiâ cæteris planè antecellat. Illud verò ne quæsieris, nisi in humore qui aliis intimè mixtus humoribus, simulque ad minima vasorum diverticula perenni progrediens circuitu, beneficium rorem undique diffundat, tenuissima fibrarum stamina quasi titillando, debitas excitet oscillationes, tandemque intestino fluidorum motui, sic inserviat, ut progressivus eorundem motus æquabilior expeditiorque servetur.

III.

QUÆNAM corporis functio præ cæteris principatum obtineat, adhuc sub iudice lis est. Mutuas enim adeò sibi fœnerantur operas, ut nullam alteri secundam arguere liceat; in hoc, ut aiunt, non absimiles circulo, cujus puncta, quotquot sint, continuâ serie sibi adjacent, singulorumque positionis ordinem, initium & finem oculatissimos celant. Contrarium esto iudicium de humoribus quos experientiæ, observationi, analysi etiam, ad nutum subicere, sigillatim expendere, alios aliis conferre & æstimare quemque penès est. Non igitur ardua nec in lubrico posita erit solutio quæstionis, quis humorum aliis præsteat & eniteat? Illi namque palma meritò concedenda, quem constituentium principiorum energiâ vigentem, ad majores habiliorem usus, plures sibi faventem experiuntur functiones. His insignitus humor caracteribus, humorum princeps ideò renuntiandus, ipse erit qui in arcendâ putredine alios longè superans, optimæ sanitati præsertim consulens, ad subtiliorem *balsami* dignitatem propiùs accedet. Quisnam verò sit humor de quo agitur, hætenùs ambigis? Rem penitiùs introspicias, conditionesque in humorum principe requisitas æquâ lance ponderes. In principiis constituentibus, quorum scilicet existentiam & indolem analysi

Chymica seorsim demonstraverit, ea expostulatur energia, quâ iidem semper effectus vel minimam humoris quantitatem subsequantur. Hæc prima data qualitas cæteris assatim opitulatur conditionibus, cum usus rei cuiuslibet ab ejusdem principii essentialiter & determinatè pendeat. Eâ tamen lege volumus & intelligimus humorum principem ad majores usus habiliorem esse, pluribusque functionibus inservire, ut per se, non verò mutatus & alienâ indutus pelle, solitum pensum absolvat & perficiat. Sic conditiones prius assignatæ sanguini v. g. non congruent, cum propriam deponat formam, dum in multiplices alios abit humores, qui uni duntaxat operi, ut semen generationi, &c. dicantur. Unica verò bilis, mirandis refertissima dotibus, requisitis conditionibus facilè respondens, in humorum principem meritò promovebitur, quascunque discutiet putredinis causas, corporique robur cum incolumitate largietur.

I V.

ALLUCINANTUR profectò qui putidum liquamen in alvi fluxu vel purgantium medicamentorum vi sepositum bilis nomine insigunt. Bilem in hepate secretam, ab ipsomet suo in duodenum lapsu, fidelissimo tentatam examine verius intelligant humorem recrementitium, unctuosum, consistentem, inflammabilem, colore flavo & amaricante sapore summè præditum, ex particulis oleosis, terreis, aqueis, salinis, volatilibus coalescentem: undè bilis à quibusdam *smegma naturale* nuncupata fuit. Hæc tamen saponem inter & bilem differentia est, quòd alkali fixum sapo vulgaris, volatile verò bilis admittat. Ex eodem alkalino sale volatili suam bilis mutuatur mobilitatem & energiam quam facilè demonstrat sapor adeò intensè amarus, ut unica bilis guttula in aquæ unciam immissa suam spargat amaritiem. Quantum autem essentialis bili sit hæc amarities, inconcussè probatur. Quò enim firmiori valetudine potitur animal, eò amariorem ei bilem esse docet HALLERUS. Deducant igitur alii ex spiritibus animalibus, vel ex ipso latice purpureo præsentem illum stimulum, quo languentes jugiter renovantur fibrarum oscillationes, cunctantiumque fluidorum motui calcar additur, huic amaricanti bilis inesse principio persuasissimum habemus. Ob eundem etiam amarorem qui pullulantium in intestinis vermium scæturam suffocat & extinguit, qui amaricantibus analogis, aloë præsertim simplicium amarissimo, condiendisque cadaveribus admodum proficuo reparatur, nonne bilis ad *corporis balsamum* jamjam accederet? Majus verò probationis argumentum ab ipsâ chylosi desumemus, cui bilem potissimum inservire cunctis innotescit. Ablegarâ quâvis Chymicâ explicatione, purior chy-

lūs, bilis beneficio à facibus liber, saponaceo succo repletus & quasi conditus facilius sanguinem subit. Hæc chyli affecla bilis portio undique dispersa & in extremis usque vasorum capillarium sinibus saponaceam virtutem retinens; diversissima quæque permiscet, oleosa reddit aquæ miscibilia; crassiores, heterogeneas attenuat moleculas, dividit, scindit, præcipitat, segregat, sicque secretiones & excretiones promovendo ad subtiliorem sanguinis fluiditatem plurimum confert. Vigente autem progressivo, intestinoque fluidorum motu, putredinis motui essentialiter adversante, molecularum seriem jugiter renovante, nonne corruptionem à corpore alienam agnoscemus? Nonne simul corporis robur & incolumitas pariter vigeant, cum imprimis excrementitiæ partes ad putredinem magis pronæ per debita citius eliminantur organa? Quid plura? Saponaceam & absterisivam virtutem salivæ, succo gastrico, pancreatico succo bilis etiam communicat. Nonne & ipsi sanguini *coccineitatem* tribueret per sulphureas & lixivioso-salinas partes, cum ex mixturâ sulphuris & sale aut oleo tartari rubicundam efformemus tincturam? Nonne in morbis decoloribus, cachexiâ, chlorosi, in virginibus viro nondum maturis a bâ febre laborantibus, ideò rutilantiorem cum pallido habitum commutasse sanguinem concludere liceret, quod bilis energiâ & defectu peccet, ut experientiâ & observatione manifestè constet? Quamcumque verò hypothesim reluctantè aspicientes, superius allatis sat probasse confidimus humorum principatu dignissimam esse bilem. Quis igitur humor de *corporis balsami* dignitate cum bile dimicaret?

V.

NEC nobis bilem *balsamum* licet proclamantibus est ignotum, quales in corpore strages agendi vim habeat a nativâ genuinâque virtute deflexa & degener. Quod majoris enim in statu sano fuit usus, eò sæviores morbofa bilis producet effectus. *Optimi corruptio pessima*. At cum cæteris humoribus hanc communem habere criminationem quis negaret? Nonne ipsamet utilissima lympa, v. g. ut quosque corporis humores sigillatim non dispungamus, gravissimis ægritudinibus natales præbet? Nonne molliores partes indurat, duriores emollit? Nonne vitiata lymphæ molestissima soboles arthritidis, rheumatismus, rachitis, atrophia, scirrhus, carcinoma, strumæ, &c? Nullum certè morbum adeò insensum, adeò pervicacem inducit bilis, quidquid dixerint detrectatores: Quos etiam pauciores procreat, ii pede celeriori stadia decurrentes, cum faciliores morbofa bili pateant exitus, citius judicantur. Quin imò plures, pejoresque à bilis defectu potius, quam ab ipsâ bile

dantur ægritudines, & ut peritissimè scripsit FERNELIUS, non pauci è vivis erepti sunt, in quibus non alia interitus causa apparuit, quam quòd folliculus bile omninò esset exhaustus. Mirari licet, instant alii, si bilis balsamum sit sanguinem conservans, ne putrescat, cùm ipsa bilis putredini propior sit, quàm sanguis. At utrèque in aere libero stagnante substantiâ, quid contrà nos, si decompositionem sanguine citius bilis passa fuerit? Quanta sit differentia liquorem inter in fictili vase aeri expositum & eundem perenni circulo motum, propriisque vasibus inclusum, vel levitèr attendenti sufficientèr pater. Si è contrà bilem dicant sanguine putredini propiorem, etiam in corpore peritus & reditus exagitatam; levissimâ manu objectionem evertemus, cùm nulla bili debeantur symptomata, quæ tantulùm accedant ad purpuram, gangrænâ, sphacelum totidem solius sanguinis effectus infestissimos. Cæterum de statu sano duntaxat sermo fuit, bilisque sanæ encomium celebrantes, hîc addere juvat biliosos esse ingeniosiores, & ex præmissis hæc erit nostra conclusio.

Ergò corporis balsamum, Bilis.

DOMINI DOCTORES DISPUTATURI.

M. Claud. n. Franciscus GRAND-CLAU, Eques, Stanislaus I. Poloniarum Regis, Lotharingæ & Barri Ducis Consiliarius Medicus, & Regiarum Exercituum à Comiti Medicis.

M. AND, Eques, è Regiâ Scripturâ Academiâ Parisiensi, Regii Medicorum Nanterranorum Collegii Socius honorarius, necnon in Regiâ Invalidorum domo coadjutor Medici renunciatus.

M. Martinus NOUGVEZ.

M. Ludovicus-Alexander GERVAISE.

M. Joannes - Jacobus BELLETESTE, saluberrimæ Facultatis Decanus.

M. Ambrosius HOSTY.

M. Michael - Philippus BOUVART, Regiæ Scientiarum Academiâ Parisiensis Socius.

M. Joannes MACMAHON, Antiquus Exercituum Regis & Nosocomiorum Militarium Medicus, Regiæ Scholæ Militaris Medicus ordinarius.

M. Michael - Josephus MARAULT, Antiquus Regis Exercituum in Germaniâ Medicus.

Proponēbat Parisiis LUDOVICUS-ALEXANDER CEZAN;
Parisiensis, Saluberrimæ Facultatis Medicinæ Parisiensis Baccalaureus,
A. R. S. H. 1764. A SEXTA AD MERIDIEM.

Typis F. A. QUILLAU, Universit. & Facult. Med. Typographi, 1764.